

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULIZA LEO**

**MKUTANO WA ISHIRINI**

**KIKAO CHA AROBAINI NA SITA**

**08 JULAI, 2015**



## ORODHA YA SHUGHULI ZA LEO

### MKUTANO WA ISHIRINI

KIKAO CHA AROBAINI NA SITA – TAREHE 08 JULAI, 2015

#### I. MASWALI:

#### OFISI YA WAZIRI MKUU:

#### 321. MHESHIMIWA GAUDENCE CASSIAN KAYOMBO (MBINGA MASHARIKI):

Atamuuliza Mheshimiwa Waziri Mkuu:-  
Wilaya ya Mbinga ina Tarafa sita (6) lakini  
Tarafa zote hazina Ofisi rasmi zilizojengwa:-

Je, ni lini Serikali itajenga Ofisi kwa Makatibu  
Tarafa.

**322. MHESHIMIWA SELEMAN SAID BUNGARA  
(KILWA KUSINI):**

Atamuuliza Mheshimiwa Waziri Mkuu:- Kila mwezi Juni hadi Disemba ya kila mwaka Hospitali ya Wilaya ya Kilwa (Kinyonga) hukabiliwa na tatizo la ukosefu wa maji kutokana na visima vilivyopo kukosa uwezo wa kutoa maji hali inayosababisha adha kubwa kwa wagonjwa na watumishi hospitalini hapo:-

Je, Serikali haioni haja ya kutenga bajeti kwa ajili ya kujenga mfumo rasmi wa uvunaji wa maji ya mvua kama njia sahihi ya kutatua tatizo hilo.

**323. MHESHIMIWA AUGUSTINO MANYANDA  
MASELLE (MBOGWE):**

Atamuuliza Mheshimiwa Waziri Mkuu:- Tarehe 8/11/2014 Mhe. Rais wa Jamhuri ya Muungano wa Tanzania alifanya ziara ya kikazi Wilayani Mbogwe, akiwa huko aliwaahidi wananchi wa Masumbwe kuwajengea barabara ya lami yenye urefu wa km. 1:-

Je, ni lini ahadi itatekelezwa.

## **OFISI YA RAIS (UTAWALA BORA)**

### **324. MHESHIMIWA AMINA MOHAMED MWIDAU (VITI MAALUM):**

Atamuuliza Mheshimiwa Waziri wa Nchi, Ofisi ya Rais (Utawala Bora):- Rushwa ni adui wa haki na rushwa inasumbua sana nchi yetu kiuchumi, kisiasa, kijamii na kiteknolojia na kufanya kuongezeka kwa umaskini:-

Je, Serikali ina mikakati gani ya kulinusuru Taifa letu na janga hilo.

### **WIZARA YA ELIMU NA MAFUNZO YA UFUNDI:**

### **325. MHESHIMIWA RITTA ENESHER KABATI (VITI MAALUM):**

Mheshimiwa Waziri wa Elimu na Mafunzo ya Ufundi:- Kwa muda mrefu sasa Ukaguzi wa Shule katika Halmashauri zetu umeshindwa kufanyika kwa tija kutokana na Wakaguzi hao kukabiliwa na uhaba mkubwa wa rasilimali watu na fedha za kufanyia kazi hiyo ya ukaguzi:-

Je, Serikali ina mkakati gani wa kuimarisha Idara ya Ukaguzi wa Elimu ili kuboresha elimu nchini.

**326. MHESHIMIWA ANASTAZIA JAMES WAMBURA (VITI MAALUM):**

Atamuuliza Mheshimiwa Waziri wa Elimu na Mafunzo ya Ufundi:-

Je, ni kwa nini idadi ya wasichana wanaojiunga na vyuo/elimu ya juu katika nchi yetu inashuka kwa kiasi kikubwa ikilinganishwa na wanaojiunga na shule za sekondari.

**WIZARA YA FEDHA:**

**327. MHESHIMIWA HERBERT JAMES MNTANGI (MUHEZA):**

Atamuuliza Mheshimiwa Waziri wa Fedha:-

- Katika Sheria ya Mapato (Income Tax Act (Cap 332) viwango vya kodi ya pato la jumla ya Shilingi 3,500,000/= kwa mwaka ni Shilingi 175,200/=; ambapo “*lipa kadri unavyopata*” (PAYE) kwa Shilingi 3,500,000/= kwa mwezi ni Shilingi 957,700/= sawa na Shilingi 11,492,400/= kwa mwaka:-

(a) Je, Serikali haioni kwamba wafanyakazi wanaolipa kodi kwa mfumo wa “PAYE” wanalipa kodi kubwa sana na hivyo kudhoofisha uwezo kimaisha;

(b) Je, Serikali haioni ipo haja ya kurekebisha kodi hiyo kwa punguzo kubwa zaidi ya pendekezo la asilimia moja (1%).

## **WIZARA YA NISHATI NA MADINI:**

### **328. MHESHIMIWA SALVATORY NALUYAGA MACHEMULI (UKEREWE):**

Atamuuliza Mheshimiwa Waziri wa Nishati na Madini:- Serikali iliahidi kupeleka umeme kwenye vijiji kumi na nne (14) katika Wilaya ya Ukerewe kupitia REA:-

Je, Mchakato wa mradi huo imefikia hatua gani.

### **329. MHESHIMIWA JOSEPHAT SINKAMBA KANDEGE (KALAMBO):**

Atamuuliza Mheshimiwa Waziri wa Nishati na Madini:-

(a) Je, ni lini Serikali itapeleka umeme katika Wilaya Mpya ya Kalambo hususan Makao Makuu ya Wilaya Matai na Kata ya Kasunga, Kasimba, Mwazyeye na Mwimbi;

(b) Je, Serikali haioni haja ya kutumia chanzo kipya cha maporomoko ya Kalambo katika kuzalisha umeme utakaotumika Wilaya nzima ya Kalambo.

## **WIZARA YA AFYA NA USTAWI WA JAMII:**

### **330. MHESHIMIWA DIANA MKUMBO CHILOLO (VITI MAALUM):**

Atamuuliza Mheshimiwa Waziri wa Afya na Ustawi wa Jamii:- Wakunga wa jadi wana uwezo sawa wa kutibu au kuwasaidia akinamama wenye matatizo ya uzazi au wagumba lakini hutoa huduma hizo katika mazingira magumu na vifaa duni:-

Je, Serikali ina mpango gani wa kutenga fungu la kuwawezesha wakunga hawa wa jadi ili waendeleo kuwasaidia wanawake wenye matatizo kwenye mazingira mazuri na vifaa vya kisasa.

## **WIZARA YA KILIMO, CHAKULA NA USHIRIKA:**

### **331. MHESHIMIWA LOLESIA JEREMIAH BUKWIMBA (BUSANDA):**

Atamuuliza Mheshimiwa Waziri wa Kilimo, Chakula na Ushirika:- Mpango wa Kilimo Kwanza unatoa ruzuku ya pembejeo za kilimo na kuwanufaisha wakulima wachache na wananchi watanufaika zaidi pindi mgawanyo wa pembejeo utakapokuwa unatolewa kwa vijiji vyote na kwa wananchi wote:-

Je, Serikali ina mpango gani wa kutoa ruzuku wa wakulima wote wa Jimbo la Busanda:-

**II. MISWADA YA SHERIA YA SERIKALI:**

**(Kusomwa Mara ya Pili, Kamati ya Bunge zima  
na kusomwa Mara ya Tatu)**

Muswada wa Sheria ya Tume ya Walimu wa Mwaka  
2015 [*The Teachers Service Commission Bill, 2015*]



**DODOMA  
08 JULAI, 2015**

**DKT. T. D. KASHILILAH  
KATIBU WA BUNGE**